

شفتو شو عملت اللجنة خلال هل الشهرين؟

علاء شراونة وأماني مشاهرة وأماني
أبو هدوان ومروة خياط عملو شو
سكتش مسرحي بياخد العقل كان عن
يوم الطفل العالمي كان علاء الأخ
الكبير اللي بدو يفرض سيطر توا في
البيت وأماني مشاهرة الأخت المدافعة
عن حقوقها أما أماني كانت الأم اللي ما
في إيدها إلا تيكي وتدعي على ولادها
أما مروة فكانت الراوي للقصة و
موجهة للأطفال للسلوك الأصح وبعدين
الأطفال اخذوا دور المتطوعين ومثلوا
المسرحية

المنتصر بالله صيداوي ويزن نابلسي ومنال
محيسن راحو على مستشفى المطلع عند
الأطفال مرضى بالكلى وعلولهم فعاليات
شو فعاليات كثير حلوة عملوها مع الأطفال
منها قرووا لهم قصة ولعبوا معهم شدة
وشطرنج وألعاب تانية كثير حلوة لو كنتم
معهم كان عرفتو شو هم الألعاب وكان
انبسطوا كثير لأنهم قعدوا ٤ عم يغسلوا
الكلى بس لأول مرة ما حسوا بالوقت.



ميادة شوامرة وسمية أبو غزالة
أخدو أطفال برنامج أخ كبير وأخت
كبيرة وأطفال من برامج تانية في
المركز وشوية متطوعين وراحت
معنا برضوا مرشدة أخ كبير أسماء
الشرباتي ومرشدي التعليم الغير
رسمي. جولة شو جولة ما رح تزيبط
غير بسمية وميادة رحنا على كنيسة
القيامة وبرج فيه ١٧٨ درجة
طلعناهم ونزلناهم يعني ٣٥٦ درجة
نزول وطلوع ورحنا على حديقة
أكلنا فيها ولعبنا ولقطنا حميضة شو
روعة يا عمي بدون سمية وميادة
ما بتزيبط

قمر الجعبة وصفاء أبو حماد
لو شفتوا جمعوا المتطوعين في
فرع البلدة القديمة وعلولهم
تدريب على الوسائل الفنية اللي
بتمكن المتطوعين من تحقيق
لقاءات ناجحة في وقتها دربونا
على صنع المسرح المتحرك
اللي يساعد الأطفال على التعبير
عن المشاعر